

GIOVANNI BATTISTA BOETTI, 1743—1794 che sotto il nome di Profeta Man-sur conquistò l'Armenia, il Kurdistan, la Georgia e la Circassia e vi regnò sei anni quale savrano assolut.». Autori vari, OEMME edizioni, Milano, 1931, 191 p., 10 cazzine Geografiche, 55 11st.

ՅՈՎԱՆՆԻ ԲԱՏԻՍՏԱ ԲՈՅՏՏԻ, 1743—1794, Մարգարե Մանսուր անունով նվաճեց Հայաստանը, Քրդստանը, Վրաստանը և Չերքեզիան ու վեց տարի իշխեց որպես բացարձակ միապետ, Տարբեր հեղինակներ, ՕէՄՄԷ Հրատարակություն, Միլան, 1989, 191 էջ, 10 քարտեզ, 55 նկար:

Այս անսովոր վերնագրով գիրքը (իտալերեն լեզվով) նույնքան տարօրինակ, բացառիկ ու արգասաբեր մարդու՝ իտալացի հոգևորական, դոմինիկյան ուխտի քահանա, գործիմաց ռազմագետ, մարգարե և իշխան հորշորջվող Ջովաննի Բատիստա Բոետտիի կենսագրությունն է, իր գործունեության պատմությունը: Մեկել է 1743 թ. հունիսի 2-ին, նոտարի ընտանիքում, Կասալե Մոնֆերրատոյի մոտ՝ Պիացցանո ավանում: Մեռչների ցանկությամբ Ջովաննի Բատիստան սովորել է բժշկություն, Մեռնդով, դաստիարակությամբ և մշակությամբ եվրոպացի, նա հետևեց դոմինիկյանների ավանդությանը, մեկնեց քարոզելու պատմական Հայաստանում, Կովկասում, երկրներ, որոնք XVIII դ. մարդու համար, թվում էին ավելի խորհրդավոր, քան Հնդկաստանը: Դեռևս պարզ չէ, թե Բոետտին ում միջոցներով է գործել՝ Օսմանյան կայսրության թե՛ Հռոմի: Եղմարիտը երկի այն է, որ նա աշխատել է թուրքական Բ. դուան և Վատիկանի հաշվին, միաժամանակ հետապնդել իր իդեալը: Այս է բացատրությունը զինվորական այն գործողությունների, որ նա ռուս-թուրքական պատերազմից (1768—1774) հետո ծավալեց Իրանում, Կովկասում, Անդրկովկասում, Հայաստանում և Վրաստանում: Քննվող հատորում նշվում է, որ Բոետտին ճանաչում է գտել Մանսուր կամ Շեյխ Մանսուր անվանումով (Մանսուր նշանակում է «հազարա»)՝ նա արժանացել է այդ կոչմանը, երբ իր հրամանատարության տակ ունենալով 2742 զինվոր, 1783-ին գրավել է Ախալցխան (էջ 109), «Հայ ժողովրդի պատմության» IV հատորում կարդում ենք, որ լեռնականները «Հյուսիսային Կովկասում կազմակերպում են իրեն մարգարե հայտարարած Շեյխ Մանսուրի ապստամբությունը ռուսների դեմ, որպեսզի Ումմա խանը (Ալարիայի խանը—Ա. Զ.) կարողանա անարգել արշավել Վրաստանի վրա»: 1780-ական թվականների պատմական իրադարձությունները այնպես են դասավորվել, որ Վանի, Ախալցխայի, Էրզրումի, Կարսի և Դաղստանի փաշայությունները գտնվել են Շեյխ Մանսուրի ժամանակավոր ենթակայության տակ¹:

Հիմք ընդունելով պատմաբանների տասնյակ տարիներ տևող ժրջան աշխատանքով ի մի բեքված, տարբեր արխիվներում (Սամարոպ, Հռոմ, (Լենինգրադ) պահպանվող փաստաթղթերը, քննվող հատորի հեղինակներին հաջողվել է ուրվագծել իտալացի հոգևորական Շեյխ Մանսուրի՝ այդ բազմաբեղուն, եռանդալիս գործչի պատկերը: Նա եվրոպական լուսավորության դավա էր, հոգևորական լինելով հանդերձ, որոշ առումով հոգեհարազատ էր նույն դարին պատկանող Զ. Կազանովային (1725—1798) և Ա. Կալիստարոյին (իսկական անունը Զ. Բալսամո, 1748—1795)՝ երեքն էլ բախտախնդիր, կրոնաբարոյական խնդիրներում ու քաղաքական հայեքակցություններում ազատամիտ, գավազրություններ կազմակերպող, Նրանք գիտվել են որպես հերետիկոսներ և դատապարտվել Հռոմի ինկվիզիցիայի կողմից, եղել են ուժեղ կամքի տեր մարդիկ:

Քննվող գիրքը հավաքական աշխատանքի արդյունք է: Նախաբանը գրել է Օրենլա Ռոտան, առաջին գլուխը՝ «Կովկաս 18-րդ դարում. գեղագիտական վերնագրով, թուրք գրող և քննադատ Փարիք Քուլուն, իսկ գրքի գլխավոր մասը, որը վերնագրված է «Ջովաննի Բատիստա Բոետտի, պատմություն և լեզուն», երկասիրել են Ֆրանսացի հասարակագետ, պատմաբան և կովկասագետ Ալ. Բենիգոնը, Փ. Քուլուն և իտալացի ազգագրագետ Ա. Ջուլիանին:

¹ Հայ ժողովրդի պատմություն, հ. IV, Երևան, 1973, էջ 323:

² Տե՛ս նույն տեղում, XVIII դ. 60—70-ական թվականների Փոքր Ասիայի և Կովկասի քարտեզը, էջ 28—29:

նյութերը հրատարակության պատրաստողը Հ. Վահրամյանն է։ Հատորում տպագրված են փայտագրություններ, վերցված 1869-ին Փարիզում լույս տեսած Տ. Մ. Դեխալի «Ճանապարհորդություն Լադիստանում և Հայաստանում» աշխատությունից և Միլանում 1895 թ. հրատարակված «Ժողովրդական պատկերադարձում» պարբերականից։

Օ. Ռոտան նախաբանը սկսում է Վերհիշելով Բերտոլդ Բրեխտի հետևյալ միտքը. «Երչանիկ է այն ժողովուրդը, որը պահանջ չունի հերոսների և ամփոփում այս խոսքերը, ասելով. «Երչանկությունը Կովկասինը չէ։ Ժամանակագիրները մեզ հետաքրքրող անձնավորություններ անվանել են Շեյխ Մանսուր, Իմամ Մանսուր, Շեյխ Օղան-օղլի, Փաֆլիս, Շուրմա, որոնց շուրջ ծաղած վեճերը, ինչպես նշում է Ռոտան (էջ 9), շարունակվում են։ Այս իմաստով ևս ներկա գիրքը մի փորձ է, հավանաբար ավելի ամբողջական, քան մինչ այդ գրվածները։ Ռոտան, ամփոփելով իր խոսքը, գրում է. «Ցավոք, Կովկասում հարատևում է հերոսների ավանդույթը, եվ միայն այստեղ չէ, որ մարդիկ շարունակում են մեռնել՝ իրենց էությունը և անկախությունը պաշտպանելու համար։ Զափանիշների ի՞նչ տարբերություն։ Երևի սա է պատճառը, որ Մանսուրը այնքան հավանություն է գտնում 2000 թվականի եվրոպացիներին մոտ (էջ 13)։

Բ. Քուլլուն, նպատակադրված լինելով իտալացի ընթերցողին ներկայացնել Թուրքիայի՝ Փոքր Ասիայում վերած նվաճողական քաղաքականությունը, անտեսում է պատմական Հայաստանի գոյությունը և Հայաստանը ներկայացնում որպես անդրկովկասյան երկիր։ Բերտոլդը Կովկասը որպես «առասպելների և լեգենդների երկրամաս», նա նշում է, որ «վրացական հնագույն ավանդները պատմում են, թե անվանագիր Թորգոմը բնակություն հաստատեց Արագածի և Արարատի (Հայաստան) միջև ընկած երկրում.... որ Թորգոմի քաջ զավակները (Հայաս, Քարթլոս, Բագրուս, Կովկաս, Մովսիս, Լեկոս, Հերոս) ապստամբել ու սպանել են Նիմրոզ բռնակալին, իրար մեջ բաժանել Կովկասի հողերը, ու դրանք անվանել իրենց անուններով» (էջ 15)։ Քուլլուն մոռացության է մատնել Աստվածաշնչի և Մովսես Խորենացու վկայությունները այն մասին, որ Թորգոմը եղել է հայոց նախահայր Հայկի հայրը։ Գիտականորեն առավել արդյունավետ են Բ. Քուլլուի բերած տվյալները XVIII դ. 80—90-ական թվականների կովկասյան շեյխներին, ինչույններին և Դադաստի փոքր ցեղերին առնչվող պատմական իրադարձությունների վերաբերյալ, այդ ցեղերի՝ Եկատերինա Բ-ի զաղութատիրական քաղաքականության դեմ մղված պայքարի մեկնությունները։ Այս պատմական միջավայրում է Մանսուրը ծավալել իր կրոնական, քաղաքական և զինվորական գործունեությունը, նպատակ ունենալով պայքարել Օսմանյան և Ռուսական կայսրությունների դեմ ու ստեղծել կովկասյան և անդրկովկասյան ժողովուրդների միասնական, անկախ պետություն (էջ 17—32)։

Իտալացի պատմաբան Դ. Դամոնտեն իր «Մարշալ Մանսուր Շեյխ-Օղան-օղլու, իսկ է՝ հայր Բեխտի» (Մոսկվա, 1882) մենագրությունում նշում է. «Մարզաբն Մանսուր անունով Բեխտին գրավեց Հայաստանը, Քրդստանը, Վրաստանը և Զերքեզիան ու իշխեց վեց տարի շարունակ, որպես բացարձակ թագավոր՝ երևի 1785-ից մինչև 1791 թ.՝ ռուսների կողմից բանտարկվելու տարին։ Ռուսական ազդուրհերում Մանսուրին անվանում են Ուլուրմա կամ Շուրմա (էջ 138)։ Զ. Բ. Բեխտին հիշողություններ է գրել՝ Օրագիրք։ Մեզ հայտնի են նաև նրա թուրքերեն նամակները՝ հասցեագրված (1784—85) Ֆարահ Ալի Փաշային, ֆրանսերեն «Հաղորդագրությունները», որոնց պատճենները արտատպված են քննվող հատորի գլխավոր հատվածում (էջ 136, 137)։ Նա տիրապեանել է մի շարք լեզուների՝ լատիներեն, հունարեն, հայերեն, վրացերեն, պարսկերեն, խոսում էր նաև կովկասյան լեզուներով (էջ 12)։ Նրա զբաղ նամակները, իր կյանքին վերաբերող տարբեր անձերի զեկուցագրերը պահվում են Հռոմի (Պապական Սեդեի), Վենետիկի, Սամարայի կայսերական արխիվներում, նաև Մոսկվայում, Լենինգրադում, Վիեննայում։ Շեյխ Մանսուր Բեխտի ապրած շրջանի գլխավոր անձինք եղել են՝ կարդինալ Բորջա Ստեֆանոն, Եկատերինա Բ կայսրուհին, Արզուլ Համիդ Ա-ն, Կլեմենս XIV և Պիոս VI պապերը, իշխան Գ. Պետյովկինը և այլք (էջ 175—180)։ Բեխտի կյանքին և պատմական եղելություններին վերաբերող ուսումնասիրությունների մատենագրությունը տրված է գրքի վերջում (183—187), հիշատակված են նաև հայ հեղինակներ՝ Ա. Շիրյան, Ա. Սաֆրաստյան, Ս. Ղուկասյան, ռուս հեղինակներ՝ Ն. Սմիռնով, Գ. Բուտկով, Բ. Սթիլի, իտալացիներ՝ Ֆ. Պիկկո, Է. Օստինո, Լ. Փարապաո։

Բոհոտին եղել է փայլուն նախաձեռնող, բացառիկ մտավոր ունակություններով օժտված հմուտ աստվածաբան, նա համոզված էր, որ սկզբունքորեն քրիստոնեությունը և մահմեդականությունը իրար համադրելի են: Տրապիզոնում ապրող իր հայ ընկերոջը 1786-ին ուղղած նամակում նա գրում է. «Ախ, Հոսթ, Հոսթ: Ինչպե՞ս կորցնում ես թ զավակներին: Հոսթ, Հոսթ, դու անարդար... և եթե բախտը նպաստավոր լիներ, Ասիայում և Եվրոպայում պիտի տիրեր միմիայն մի կրոն: ...Բարեփոխենք մուսուլմանական կրոնը, վերականգնենք նրա մաքրությունը և պիտի տեսնենք, թե ինչպես այն նման է քրիստոնեականին, նա էլ կարող է մաքրության, Գոյություն ունի միմիայն մի Աստված և մի օրենք, իր մարգարեները շատ են, ես նրանցից մեկն եմ, շատերը գալու են ինձանից հետո» (էջ 123): 1786 թ. էր, որ Շեյխ Մանսուր Բոհոտին ստեղծեց իր կրոնաբարոյագիտական վարդապետությունը՝ 24 պատգամներից բաղկացած, դրանից 17-րդում ասված է. «Պապը և մուֆտին զրպարտիչներ են» (էջ 121), Այս սինկրետիկ կրոնը Մանսուր Բոհոտինը տարանջրել էր պարսիկ, թուրքի, հնդկ և կովկասյան այլ ցեղերի կոլոզներից բաղկացած իր բանական, որոնց թիվը 1786-ին, երբ մարգարե-գեներալը գրավում է Ավազը, հասնում էր 80.000-ի (էջ 123): Նա բացառիկ նշանակություն էր տալիս այդ ցեղերի սովորություններին և ավանդներին, դրանք համախոհությունն ապահովման միջոց համարելով, միաժամանակ գտնում էր, որ «Վրաստանում տարած վերջին հաղթանակները պետք է ներշնչեն անդորր ապահովություն, խոստանալով նորանոր, ավելի կարևոր հաղթանակներ: Պետք է բնաջնջել աշխարհի բոլոր Բարեխոնքերը, այդ գործում ես միայն միջոց եմ Աստծո ձեռքում» (էջ 127): Իսկ իր մի քարոզչության առիթով ասում է. «Ես ահա նինվեի ավերակները, դրանք լավ ուսումնասիրեցի, երբ ես այնտեղ էի, բայց Յոնասին չտեսա, մինչդեռ ես ապրելու եմ այնքան, որ տեսնեմ Կոստանդնուպոլսի ավերակները» (էջ 125): Այսքանով հանդերձ, Վենետիկում լույս տեսնող «Աշխարհի լուրեր» օրաթերթում Կոստանդնուպոլսի խաղաղի թղթակիցը (անունը չի հիշատակվում) 1786 թ. մարտի 13-ի համարում գրում է. «Այստեղ իշխում է այն մտահոգությունը, որ Շեյխ Մանսուրը ձգտում է խանդավառել Ասիայի խաղաղությունը, և այս նոր մարգարեն, կրոնի պատրվակով, փորձում է մեծացնել իր կուսակցությունը և հասնել իշխելու մեր կայսրության ավերակներին վրա՝ նման երկուղները, ճիշտ թե սխալ հիմնավորված, մտահոգում են Մոհամեդի հետևորդներին, բայց պատկերացումը, որ այստեղ կա այդ ռեֆորմիստի վերաբերյալ, այն է, որ, նա ոչ բարբարոս է և ոչ էլ հիմար մոլեռանդ: Նա արտաքուստ արտակարգ բարեհաճ տեսք ունի, իր վարքագիծը, ինչպես ասվում է, արտասովոր մարդասիրական է» (էջ 124): Իսկ Շեյխ Մանսուրը (նույն տարին) գրում էր. «Կոստանդնուպոլսի մուֆտին և Մեքքայի շերիֆը տգետ են և խաբեհա, նրանք կույր են ու պետք է լուսավորվեն: Նույն Սելիմը (օսմանյան Սելիմ Գուսթյանը—Ա. Ջ.) պետք է դիջե իր տեղը (դահլը) և հեռանա» (էջ 124): Նա իր զինվորների նկատմամբ կարգապահության և կրոնական ծիսակատարությունների հարցերում խստապահանք էր, երբևէ անողորմ:

Գրքի հեղինակներից Ա. Բենիզսենը գրում է, որ Բոհոտին իր հորինած պատգամները «զրավոր բաժանել էր իր բոլոր զինվորներին, որոնք ընթերցելուց հետո երդվեցին հավատարիմ մնալ այդ պատգամներին: Այդ ժամանակ մարգարեն անվերապահ դիրք զբաղեցրեց ու ասաց. «Պետք է սպանել բոլոր նրանց, ովքեր չեն ընդունում այս պատգամները»: Եվ բոլորը պատասխանեցին՝ եղիցի: Երկու օր անց, շարունակում է Բենիզսենը, նա ձի հեծած անցնում էր զորքի ճամբարով ու տեսնում է, որ երկու թուրք աղթում են իրենց հին սովորության համաձայն, նա կանգ է առնում, հանդիմանում նրանց, և ասում, որ պետք է մեռնեն, որովհետև հավատարիմ չեն մնացել իրենց երդմանը: Սուրբ մարգարեն, մեկին գնդակահարում է, իսկ մյուսին խոցում իր դաշույնով: Այս բոլորը նա արեց ամենամեծ պաշարյունությամբ» (էջ 121, 123):

Նա առաջ է քաշում կեռք և տղամարդու հավասարության հարցը սոցիալ-տնտեսական, բայց հատկապես ընտանիքի ոլորտում ու առաջարկում թրքական և իրանական կենցաղում ավանդաբար պահպանվող կանանց ճորտատիրական իրավական նորմերի համակարգում բարեփոխումներ մտցնել ի նպաստ կանանց: Այդ մասին է գրում Մանսուրը՝ 1786-ին Կոստանդնուպոլսում հրատարակված «Նոր ուսմանքում».

«Տեղա և աղջիկ զավակները ընտանեկան ժառանգության հավասար իրավունքների տեր են, ավագ զավակները վայելելու են միայն այն հարգանքը, որ մատուցվում է առավել տարիք ունեցողներին: Հարկ է համոզել ամուսիններին, որպեսզի ավելի ազատություն տան իրենց կանանց ու նրանց հետ չվերաբերվեն որպես ճորտերի: Ամուսինները պետք է միասին նստեն հացկերույթի, հավասարապես մասնակից լինեն

ընդհանուր խոսակցություններին, կինը պետք է հմուտ լինի այն գիտելիքներին, որոնք հարադատ են իրեն, և հարկ է, որ իրենց երկրի լեզվով գրել ու կարդալ իմանան (էջ 118)։

Ինչպես արդեն ասվեց, Շեյխ Մանսուր Բոնատին լուսավորության գարի զավակ էր, ազատությունը, հղբարությունը և հավասարությունը նրա ոգուն հարադատ գաղափարներ էին։ Նա փորձել էր այդ գաղափարները տարածել իսլամական միջավայրում կրոնասոցիալական բարեփոխումների միջոցով, իսկ կանանց իրավունքների համար մղած պայքարը նա սկսել էր դեռևս XVIII դ. 80-ական թվականներին։ Քաղաքակիրթ Եվրոպայի երկրներում կանանց ազատագրության շարժումները, հատկապես անգլիախոս երկրներում, սկիզբ են առել XIX դ. կեսերին։ Նա դեմ էր հարձերի և ճորտերի առևտրին, դեմ էր նաև ճորտատիրությանը, երբ Կովկասին և Անդրկովկասին տիրանալու հավակնություն ունեցող Ռուսական կայսրությունը միայն 1861-ին է վերացրել ճորտատիրությունը։

Այսպեսով հանդերձ, նա միատեղ անձնավորություն էր, իր հետևորդներին քարոզում էր, որ ինքը ունի աստվածային առաքելություն, Աստծո անունից ապագան գուշակելու զորություն, որ ինքը Ղուրանը բարեփոխողն է, համաշխարհային հանձար է, արթուն ոգի, որը հսկում է Քրիստոսի զվարթ լրատուն, վերջապես գահավիժել են անխոհեմ Մոհամմեդը, և դու ես բարձրանում եմ նրա տեղը, օ՛ր լուսավորի՛ր Մանսուր... քո սիրտը աղամանդյալ է. աչքերդ արձակելու են երկու տեղ, որոնք խոցելու են բոլոր նրանց, ովքեր քեզ պիտի ընդդիմաբանեն, քո պողպատյա բաղուկը տապալելու է ամենակատաղի թշնամիներիդ, քո ոտքերը շանթից ավելի արագ են, քո կուրծքը բրոնզյա է (էջ 122, 124)։ Շեյխ Մանսուրը, որը հորջորջվում է նաև իշխան, ներկայանում է որպես հոմերոսյան Օլիմպոսի աստված, լեզենդների հերոս։ Հին Հրեաստանի մարգարեների նմանությամբ նա քարոզել է ապագայում հասարակական արդարության հաղթանակը, միաստվածության գաղափարը, արգելել է պաշտամունքային որոշ ծեսեր (մկրտություն և թվատություն, ոսմազաձև և քառասներորդի պահքը) և ամեն բանից վեր է դասել բարոյական սկզբունքները։

Հատորում ընդգծվում է Շեյխ Մանսուրի կրոնաքաղաքական ուղղվածությունը։ Նա՝ դոմինիկյան ուխտի այդ քահանան, 4- տարեկանում արդեն շրջել էր Եվրոպան, Սևրաբադ արեւմտյան, պատմական Հայաստանը, Կովկասը և հասել էր Պետերբուրգ, ուր գնեցին Ֆելզմարշալ Գ. Պոտյոմկինին առաջարկել էր իր ծառայությունները կովկասյան հարցերում, բայց նրա ջանքերը հղի են ապարդյուն։ Հավանական է, որ նա, ազդված է հղի 1780-ական թվականներին Պոտյոմկինի առաջ քաշած՝ Անդրկովկասում հայկական, վրացական և ալբանական մեկ պետություն ստեղծելու ծրագրից։ Գ. Պոտյոմկինը, այդ տարիներին սերտ կապերի մեջ էր հայ ազգային-ազատագրական շարժման գործիչներ Հովհ. Լազարյանի և Հովհ. Արզումանի հետ և փափայում էր Հայաստանի թագավոր լինելու միտքը։ Շեյխ Մանսուրի պետերբուրգյան առաքելությունը ձախողվեց, նա վերադարձավ Դազստան, ուր, ինչպես և Հյուսիսային Կովկասում, ցեղերը էթնիկական և քաղաքականապես մասնատված էին։ Նա կրկին փորձում է միասնական պետություն հիմնել, քանի որ, այդ ցեղերի մեջ եւս գոյություն ունեին ազատասիրական և հայրենասիրական տրամադրություններ (էջ 27)։

Այդ տարիներին իսլամական միջավայրում նոր թափով ծաղկեց սուֆիզմը՝ կրոնական քողարկված ուղղություն, որը կաղմավորվել է VII—IX դդ. Բաղդադում, Բասրայում, Դամասկոսում և այլ քաղաքներում ու մշակույթի կենտրոններում։ Սուֆիզմը կրել է քրիստոնեության, քուլդիզմի, նոր պլատոնականության և զրադաշտականության ազդեցությունները։ Նշանակալից է XII—XV դդ. պարսկական սուֆի բանաստեղծության թողած ազդեցությունը Եվրոպական գրականության վրա։ Սուֆիզմը ունեցել է և ունի քաղաքական մեծ նշանակություն։ Ներթափանցելով Կովկաս, այն նպաստել է հղբարականությունների կաղմավորմանը, որոնք իրենց տարբերել են թե՛ առհասարակ քրիստոնյաներից և թե՛ առարամետա մահմեդականներից։ Թ. Քուրթլուն նշում է. «Այս հղբարականությունները հզորացնում էին իրենց կրոնական մշակույթը, զազավաթի ինքնությունը՝ սուրբ պատերազմի հաճախակի կոչերով, բայց անկարող էին կաղմել պետականության երկարատև ծրագրեր, ինչպես հետագայում ապացուցելու էր պատմությունը» (էջ 31)։ Նման իրադրության ոլորտում Հյուսիսային Կովկասի ժողովուրդների միավորումը՝ որպես քաղաքական-պետական միասնություն, հղավ Բոնատի վերջին ծրագրերը։

Իսլամական միջավայրում կրոնական-փիլիսոփայական ուղղվածությունները նպաստել են գաղութատիրության դեմ մղված ազգային անկախության պայքարին։ Այս առումով Քուրթլուն

Հիշատակում է հետևյալ փաստը. «կայսրություններից անկախություն պահանջող հայտնի զեկավարներից Մոհամմեդ իրեն՝ Աբդ ալ-Վահաբ Նաշտեցու (1707—1787) հետևորդներից Շահ Վալիուլլահը Հնդկաստանում կազմակերպեց հակաանդլիական ուժեղ շարժում (որին հնդկահերի հետ մասնակցում էին նաև հայերը)։ Վերջիններս գինվորագրվել էին Փենջաբի հնդկահայերի գաղութից» (էջ 21)։ Հետևաբար, շարունակում է Թ. Քուլլուն, հասկանալի է, թե ինչու կովկասյան փոքր ժողովուրդների անկախությունը պահանջող «չինչ» հորջորջված Շեյխ Մանսուրը, Ս. Պետերբուրգի ալքին դիտվել է «ապստամբ», բարբարոս, խռովարար և հեղափոխական, ուստի Շեյխ Մանսուրի շարժումը հարկ էր ոչնչացնել ի սկզբանե (էջ 21)։

Հյուսիսային կովկասում ինքնիշխան պետությունների միություն, դաշնակցությունների անկախություն և կրոնների միասնություն ստեղծելու՝ Շեյխ Մանսուրի ծրագիրը, Ռուսական կայսրության դեմ սրբազան պատերազմ հայտարարելը, դրական արդյունքներով հանդերձ, մի քանի տարի միայն հնարավոր եղավ իրականացնել։ Կովկասում 1785 թ. հունիսի 26-ին ռուս հրամանատարության պարտության հետևանքով ժամանակավորապես շեյխալ համարվեց 1774-ի՝ Ռուսաստանի և Թուրքիայի միջև կնքված Քյուլուկ-Կայնարչի պայմանագիրը։ Այդ տարիներին, թրքական աղբյուրների հաղորդած տեղեկությունների համաձայն, ռուսների պարտությունը ոգևորություն առաջացրեց Կովկասի մահմեդական ցեղերի մեջ։ Ալդիի կոիվներից հետո ռուսները հարձակվեցին իմամ Շեյխ Մանսուրի՝ շեյխներից բաղկացած բանակի վրա, բայց պարտության մատնվեցին (էջ 155)։ 1785-ի հուլիսին կովկասյան գիծը՝ զբաղվելու նպատակով շեյխների, Գազստանի ցեղերի և կարաբաղցիների կոիվները «ալլահի ուղարկած իմամի» ղեկավարությամբ մեծ մասամբ պարտության մղարտվեցին, շնայած այն իրողությանը, որ Շեյխ Մանսուրի ղեկավարած «սուրբ պատերազմը» 1785-ի հոկտեմբերից սկսած տարածում գտավ Սև ծովից մինչև Կասպից ծովի երկրամասը։ Այդ պայթարին մասնակցել են նաև էնզերի իշխան Կումիկ Ալի Սուլթան Չեպալով-Մուրտաջալին և Կարաբաղիայի Գուլ իշխանը։ Կոիվները շարունակվեցին մինչև 1786-ի հոկտեմբեր, երբ Շեյխ Մանսուրը խաղաղության դաշինք առաջարկեց Կովկասի ռուսական բանակի հրամանատար գեներալ Պոտյոմկինին, որը մերժեց (էջ 163)։

Շեյխ Մանսուրի՝ ռուսների դեմ մղած կոիվների երրորդ՝ վերջին ջրջանը համապատասխանում է ռուս-թրքական՝ 1787—1791 թթ., պատերազմի տարիներին։ Ռուսական զենքերալներ Տոկելին, Բիրիկովը և Գուզովիլը հերթական պարտության են մատնում Շեյխ Մանսուրին։ Իսկ 1791 թ. հունիսի 21—22-ին ռուսական բանակը գրավում է Անապան, գերի վերցնում թշնամի բանակի ղեկավար Մուստաֆա փաշային, նրա որդի Բաթալին և «կեղծ մարգարե Ուլուրմային», այն է՝ Շեյխ Մանսուրին։ 1791 թ. հոկտեմբերի 15-ին Նկատերինա Բ-ի հրամանի համաձայն Շիսսելբուրգ ամրոցի հրամանատար գեղապետ Կոլլուրակինը Շեյխ Մանսուրին դատապարտում է ցմահ բանտարկության, քանի որ նա «լեռնային ժողովուրդներին խռովությունների է մղել Ռուսաստանի դեմ և կայսրությանը հասցրել ծանր վնասներ» (էջ 173)։ Շեյխ Մանսուրը վտարվել է Սպիտակ ծովի Սուլվեցկի մենաստան, որը մահացել է 1794-ի ապրիլի 13-ին։ Ասվում է, որ նա թաղվել է Պրեոբրաժենսկայա դոբա գերեզմանատանը։ Այլոց կարծիքով նրան հաջողվել է փախչել ու ապաստան գտնել իր այնքան սիրած Լեռնային Կովկասում։ Այսպես ավարտվեց առասպելական Ջովաննի Բատիստա Բոնտատի կյանքը։

Ս. Կ. ԶԱՐՅԱՆ
ՃԱՐՏԱՐԱՐԱԿԱՆ